

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ  
ҚАРОРИ

**429** Давлат эҳтиёжлари учун пахта хом ашёсини етказиб бериш бўйича шартнома мажбуриятларини бажарган фермер хўжаликларига контрактация шартномасидан ортиқча топширилган пахта хом ашёсини қайта ишлашдан олинган пахта шроти (кунжараси) ва пахта чигити шелухасини сотиш тартиби тўғрисидаги низомни тасдиқлаш ҳақида

Ўзбекистон Республикаси Президентининг «Ўзбекистонда фермерлик фаолиятини ташкил қилишни янада такомиллаштириш ва уни ривожлантириш чора-тадбирлари тўғрисида» 2012 йил 22 октябрдаги ПФ-4478-сон Фармони бажариш юзасидан ҳамда пахта хом ашёси ҳосилдорлигини ва етиштириш ҳажмларини кўпайтиришдан фермер хўжалиklarининг манфаатдорлигини ошириш мақсадида Вазирлар Маҳкамаси **қарор қилади:**

---

*Ўзбекистон Республикаси қонун ҳужжатлари тўплами, 2013 й.*

1. 2013 йил ҳосилидан бошлаб Ўзбекистон республика товар хом ашё биржасининг очиқ биржа савдоларида ем-хашак сотиш бўйича туман ва вилоят бирлашмалари томонидан харид қилинган пахта шроти (кунжара) ва пахта чигити шелухаси улар томонидан биринчи навбатда давлат эҳтиёжлари учун шартнома ҳажмларидан ортиқ пахта хом ашёси етказиб беришни таъминлаган фермер хўжаликларига сотилиши тартиби белгилансин.

2. Ўзбекистон Республикаси Иқтисодиёт вазирлиги тегишли моддий балансларни ишлаб чиқишда 2013 йил ҳосилидан бошлаб давлат эҳтиёжлари учун шартнома ҳажмларидан ортиқ пахта хом-ашёси етказиб беришни таъминлаган фермер хўжаликларига мўлжалланган пахта шроти (кунжара) ва пахта чигити шелухасини биржа савдолари орқали сотиш ҳажмларини алоҳида сатрда назарда тутсин.

3. Давлат эҳтиёжлари учун пахта хом ашёсини етказиб бериш бўйича шартнома мажбуриятларини бажарган фермер хўжаликларига контрактация шартномасидан ортиқча топширилган пахта хом ашёсини қайта ишлашдан олинган пахта шроти (кунжара) ва пахта чигити шелухасини сотиш тартиби тўғрисидаги Низом иловага мувофиқ тасдиқлансин.

4. Қорақалпоғистон Республикаси Вазирлар Кенгаши Раисига, вилоятлар ва туманлар ҳокимларига, Озиқ-овқат саноати корхоналари уюшмаси ва «Ўзпахтасаноат» уюшмаси раҳбарларига ушбу қарорда белгиланган тартибга риоя этилиши учун шахсий жавобгарлик юклансин.

5. Вазирликлар ва идоралар бир ой муддатда идоравий норматив-ҳуқуқий ҳужжатларини ушбу қарорга мувофиқлаштирсинлар.

6. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

**Ўзбекистон Республикасининг  
Бош вазири**

**Ш. МИРЗИЁЕВ**

Тошкент ш.,  
2013 йил 5 август,  
218-сон

Вазирлар Маҳкамасининг  
2013 йил 5 августдаги 218-сон қарорига  
ИЛОВА

**Давлат эҳтиёжлари учун пахта хом ашёсини етказиб  
бериш бўйича шартнома мажбуриятларини бажарган  
фермер хўжаликларига контрактация шартномасидан  
ортиқча топширилган пахта хом ашёсини қайта ишлашдан  
олинган пахта шроти (кунжара) ва пахта чигити  
шелухасини сотиш тартиби тўғрисида  
НИЗОМ**

**I. Умумий қоидалар**

1. Ушбу Низом давлат эҳтиёжлари учун шартнома ҳажмларидан ортиқ пахта хом ашёсини етказиб берган фермер хўжаликларига пахта шроти (кунжара) ва пахта чигити шелухасини сотиш тартибини белгилайди.

2. Ушбу Низомда қуйидаги асосий тушунчалар қўлланилади:

**туман ва вилоят бирлашмалари** — пахта шроти (кунжара) ва пахта чигити шелухасини биржа савдоларидан харид қилувчи ва кейинчалик уларни фермер хўжаликларига сотувчи ихтисослаштирилган ташкилотлар;

**ихтисослаштирилган шохобчалар** — туман ва вилоят бирлашмалари таркибидаги ем-хашак, шу жумладан омихта ем, шрот (кунжара) ва шелухани сотувчи ихтисослаштирилган пунктлар;

**фермер хўжаликлари** — давлат эҳтиёжлари учун пахта хом ашёсини контрактация шартномаларида назарда тутилган ҳажмлардан ортиқча топширган пахтачилик фермер хўжаликлари.

3. Кейинчалик фермер хўжаликларига сотиш учун пахта шроти (кунжара) ва пахта чигити шелухасини туман ва вилоят бирлашмаларига сотиш очик биржа савдолари орқали амалга оширилади.

4. Туман ва вилоят бирлашмалари ихтисослаштирилган шохобчалар орқали ушбу Низомга мувофиқ сотиб олинган пахта шроти (кунжара) ва пахта чигити шелухаси фермер хўжаликларига сотилишини таъминлайди.

5. Фермер хўжаликлари ушбу Низомга мувофиқ ўзларига мўлжалланган пахта шроти (кунжара) ва пахта чигити шелухасини умуман Қорақалпоғистон Республикаси, вилоятлар ва туманлар бўйича шартнома мажбуриятлари бажарилишидан қатъи назар сотиб олади.

6. Пахта шроти (кунжара) ва пахта чигити шелухасини фермер хўжаликларига сотиш ушбу Низомга 1-иловага мувофиқ схема бўйича амалга оширилади.

**II. Пахта шроти (кунжара) ва пахта чигити шелухаси  
ҳажмларини шакллантириш тартиби**

7. Пахтани қайта ишлаш корхоналари ҳар йили 5 декабрга қадар фер-

мер хўжаликлари билан биргаликда давлат эҳтиёжлари учун контрактация шартномаларида белгиланган ҳажмлардан ортиқча етказиб берилган пахта хом ашёси ҳажмлари тўғрисида солиштирма далолатномани тузادилар.

8. Тузилган солиштирма далолатномалар асосида пахтани қайта ишлаш ташкилоти туман қишлоқ ва сув хўжалиги бўлими ҳамда туман фермерлар Кенгаши билан биргаликда ушбу Низомга 2-иловага мувофиқ шакл бўйича фермер хўжаликлари томонидан давлат эҳтиёжлари учун етказиб берилган пахта хом ашёси, шартнома ҳажмларидан ортиқча пахта хом ашёси, шунингдек шартнома ҳажмларидан ортиқча пахта хом ашёсидан олинган техник чигитлар ҳажмлари акс этган фермер хўжаликлари реестрини шакллантиради ва уни жорий йилнинг 10 декабрига қадар туман ҳокимлигига тақдим этади.

Техник чигит чиқиши меъёри қайта ишланган пахта хом ашёси ҳажмининг 50 фоизи миқдориди белгиланади.

9. Туман ҳокимликлари фермер хўжаликлари реестри қабул қилиб олинган кундан бошлаб икки иш куни мобайнида мазкур реестрни тасдиқлайди ва уни (хужжатнинг электрон версияси билан бирга) Қорақалпоғистон Республикаси Вазирлар Кенгашига ва вилоятлар ҳокимликларига юборади.

10. Қорақалпоғистон Республикаси Вазирлар Кенгаши, вилоятлар ҳокимликлари ҳудудий «Пахтасаноат» бирлашмаси, вилоят қишлоқ ва сув хўжалиги бошқармаси ҳамда ҳудудий Фермерлар кенгаши билан биргаликда туман ҳокимликлари томонидан тақдим этилган фермер хўжаликлари реестрини умумлаштиради ва тасдиқлайди ҳамда уни (хужжатнинг электрон версияси билан бирга) жорий йилнинг 15 декабрига қадар «Ўзпахтасаноат» уюшмасига ушбу Низомга 3-иловага мувофиқ шакл бўйича юборади.

11. «Ўзпахтасаноат» уюшмаси фермер хўжаликлари реестри олинган кундан бошлаб беш иш куни мобайнида ушбу реестрни умумлаштиради ва йиғма реестрни Озиқ-овқат саноати корхоналари уюшмасига (хужжатнинг электрон версияси билан биргаликда) юборади.

12. Озиқ-овқат саноати корхоналари уюшмаси «Ўзпахтасаноат» уюшмаси томонидан тақдим этилган фермер хўжаликлари реестрлари асосида фермер хўжаликлари сотиш учун уларга мўлжалланган пахта шроти (кунжара) ва пахта чигити шелухаси ҳажмларини ушбу Низомга 4-иловага мувофиқ шакл бўйича аниқлайди.

Пахта шроти (кунжара) ва пахта чигити шелухаси меъёри ушбу Низомнинг 8-бандига мувофиқ аниқланган техник чигит ҳажмига нисбатан тегишли равишда 44,8 ва 31,7 фоиз миқдориди белгиланади.

13. Озиқ-овқат саноати корхоналари уюшмаси жорий йилнинг 25 декабрига қадар:

пахта шроти (кунжара) ва пахта чигити шелухаси ҳажмлари, шунингдек ёғ-мой ташкилотлари жойлашуви акс этган тасдиқланган фермер хўжаликлари реестрини Қорақалпоғистон Республикаси Вазирлар Кенгашига ва вилоятлар ҳокимликларига;

пахта шроти (кунжара) ва пахта чигити шелухаси ҳажмларининг республика минтақалари бўйича ҳисоб-китобларини келгуси йил учун пахта

шроти (кунжара) ва пахта чигити шелухасини ишлаб чиқариш ва фойдаланиш балансларини шакллантиришда ҳисобга олиш учун Ўзбекистон Республикаси Иқтисодиёт вазирлигига юборади.

### **III. Пахта шроти (кунжара) ва пахта чигити шелухасини фермер хўжаликларига сотиш тартиби**

14. Қорақалпоғистон Республикаси Вазирлар Кенгаши, вилоятлар ҳокимликлари Озиқ-овқат саноати корхоналари уюшмаси томонидан тақдим этилган фермер хўжаликлари реестрини уч иш куни мобайнида вилоят ва туман бирлашмаларига, шунингдек туман ҳокимликларига юборади.

15. Туман бирлашмалари реестр асосида ўн иш куни мобайнида фермер хўжаликлари билан пахта шроти (кунжара) ва пахта чигити шелухасини сотиш бўйича шартномалар тузадилар.

Шартномаларни ўз вақтида тузишни ташкил этиш ва уларнинг бажарилиши бўйича жавобгарлик туман қишлоқ ва сув хўжалиги бўлимларига ҳамда туман бирлашмаларига юкланади.

16. Туман ва вилоят бирлашмалари Қорақалпоғистон Республикаси Вазирлар Кенгаши, вилоятлар ҳокимликлари томонидан тақдим этилган фермер хўжаликлари реестри асосида пахта шроти (кунжараси) ва пахта чигити шелухасини ихтисослаштирилган шохобчалар орқали нақд пулга ёки пул ўтказиш йўли орқали фермер хўжаликларига сотади.

Ушбу Низомга мувофиқ ихтисослаштирилган шохобчаларнинг фермер хўжаликларига пахта шроти (кунжара) ва пахта чигити шелухасини сотиш харажатлари билан боғлиқ устамаси биржа нархининг 7 фоизидан ошмаслиги керак.

17. Ихтисослаштирилган шохобчаларнинг раҳбарлари сотилган пахта шроти (кунжара) ва пахта чигити шелухаси ҳажмларини махсус дафтарларда рўйхатга олади ҳамда Қорақалпоғистон Республикаси Вазирлар Кенгаши ва вилоятлар ҳокимликлари томонидан тақдим этилган фермер хўжаликлари реестри асосида уларни фермер хўжаликларига сотиш бўйича моддий жавобгар шахслар ҳисобланади.

### **IV. Ушбу Низом бажарилиши мониторингини амалга ошириш тартиби**

18. Туман бирлашмалари раҳбарлари фермер хўжаликлари бўйича сотилган пахта шроти (кунжара) ва пахта чигити шелухаси ҳажмлари тўғрисидаги маълумотни ҳар ойнинг 1 ва 16-кунида вилоят бирлашмаларига, шунингдек туман қишлоқ ва сув хўжалиги бўлимига ҳамда туман Фермерлар кенгашига тақдим этадилар.

19. Вилоят бирлашмалари туман бирлашмалари бўйича сотилган пахта шроти (кунжара) ва пахта чигити шелухаси ҳажмлари тўғрисидаги маълумотни ҳар ойнинг 5-кунигача Ўзбекистон Республикаси Қишлоқ ва сув

хўжалиги вазирлигига, Ўзбекистон Фермерлари кенгашига ва Озиқ-овқат саноати корхоналари уюшмасига, шунингдек Қорақалпоғистон Республикаси Вазирлар Кенгашига, вилоятлар ҳокимликларига тақдим этади.

### **V. Яқунловчи қоидалар**

20. Ушбу Низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

21. Ушбу Низомда назарда тутилмаган масалалар бўйича юзага келадиган барча низолар ва келишмовчиликлар қонун ҳужжатларида белгиланган тартибда ҳал этилади.

Давлат эҳтиёжлари учун пахта хом ашёсини етказиб бериш бўйича шартнома мажбуриятларини бажарган фермер хўжаликларига контракция шартномасидан ортиқча топширилган пахта хом ашёсини қайта ишлашдан олинган пахта шроти (кунжара) ва пахта чигити шелухасини сотиш тартиби тўғрисидаги низомга  
1-ИЛОВА

**Давлат эҳтиёжлари учун пахта хом ашёсини контракция шартномасидан ортиқча топширган фермер хўжаликларига пахта шроти (кунжара) ва пахта чигити шелухасини сотиш СХЕМАСИ**

Босқичлар	Тадбирлар	Масъуллар	Муддатлар
I bosqich	Давлат эҳтиёжлари учун контракция шартномаларида назарда тутилган ҳажмлардан ортиқча сотилган пахта хом ашёси ҳажмлари тўғрисида солиштирма далолатнома тузиш.	Пахтани қайта ишлаш ташкилотлари ва фермер хўжаликлари	жорий йилнинг 5 декабрига қадар
II bosqich	Шартнома бўйича ва шартномадан ортиқча сотилган пахта хом ашёси ҳажмлари акс эттирилган фермер хўжаликлари солиштирма далолатномалари асосида реестрни шакллантириш ва уни тасдиқлаш учун туман ҳокимликларига тақдим этиш.	Пахтани қайта ишлаш ташкилотлари, туман қишлоқ ва сув хўжалиги бўлими ҳамда туман Фермерлар кенгаши	жорий йилнинг 10 декабрига қадар
III bosqich	Реестрни тасдиқлаш учун Қорақалпоғистон Республикаси Вазирлар Кенгашига ва вилоят ҳокимликларига юбориш.	Туман ҳокимлиги	икки иш куни мобайнида
IV bosqich	Туман ҳокимликлари томонидан тақдим этилган реестрни умумлаштириш ва тасдиқлаш ҳамда уни «Ўзпахтасаноат» уюшмасига юбориш.	Қорақалпоғистон Республикаси Вазирлар Кенгаши ва вилоят ҳокимликлари, «Пахтасаноат» ҲАБ, вилоят қишлоқ ва сув хўжалиги бошқармаси, ҳудудий Фермерлар кенгаши	жорий йилнинг 15 декабрига қадар
V bosqich	Қорақалпоғистон Республикаси Вазирлар Кенгаши ва вилоятлар ҳокимликлари томонидан тақдим этилган реестрни умумлаштириш ва йиғма реестрни Озиқ-овқат саноати корхоналари уюшмасига юбориш.	«Ўзпахтасаноат» уюшмаси	беш иш куни мобайнида

Босқичлар	Тадбирлар	Масъуллар	Муддатлар
VI босқич	Шартнома ҳажмларидан ортиқча пахта хом ашёсини топширган фермер хўжаликлари пахта шроти (қунжараси) ва пахта чигити шелухаси ҳажмларини меъёрларга мувофиқ аниқлаш ҳамда Ўзбекистон Республикаси Иқтисодиёт вазирлигига, Қорақалпоғистон Республикаси Вазирлар Кенгаши ва вилоятлар ҳокимликларига юбориш.	Озиқ-овқат саноати корхоналари уюшмаси	жорий йилнинг 25 декабрига қадар
VII босқич	Реестрни туман ҳокимликларига, вилоят ва туман бирлашмаларига юбориш.	Қорақалпоғистон Республикаси Вазирлар Кенгаши ва вилоятлар ҳокимликлари	уч иш куни мобайнида
VIII босқич	Реестр асосида пахта шроти (қунжара) ва пахта чигити шелухасини сотиш бўйича фермер хўжаликлари билан шартномалар тузиш.	Туман қишлоқ ва сув хўжалиги бошқармаси ва туман бирлашмалари	ўн иш куни мобайнида
IX босқич	Пахта шроти (қунжара) ва пахта чигити шелухасини сотиб олиш учун биржа савдоларида иштирок этиш.	Туман ва вилоят бирлашмалари	жорий йилнинг январь — март ойлари мобайнида
X босқич	Пахта шроти (қунжара) ва пахта чигити шелухасини фермер хўжаликлари сотиш.	Ихтисослаштирилган шохобчалар	жорий йилнинг январь — март ойлари мобайнида

«ТАСДИҚЛАЙМАН»

\_\_\_\_\_ тумани ҳоқими

\_\_\_\_\_ (имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

Давлат эҳтиёжлари учун пахта хом ашёсини етказиб бериш бўйича шартнома мажбуриятларини бажарган фермер хўжаликларига контракция шартномасидан ортиқча топширилган пахта хом ашёсини қайта ишлашдан олинган пахта шроти (қунжара) ва пахта чигити шелухасини сотиш тартиби тўғрисидаги низомга  
2-ИЛОВА

\_\_\_\_\_ вилояти (Қорақалпоғистон Республикаси) \_\_\_\_\_ тумани бўйича давлат эҳтиёжлари учун контракция шартномасидан ортиқча пахта хом ашёси етказиб берган фермер хўжаликлари  
**РЕЕСТРИ**

Т/р	Фермер хўжаликлари номи	Пахта хом ашёсини етказиб бериш		Контракция шартномасидан ортиқча етказиб берилган пахта хом ашёси ҳажми <i>4-устун — 3-устун</i> )	Шартномадан ортиқча етказиб берилган пахта хом ашёсидан олинган техник чигит ҳажмлари <i>(5-устун x 50/100)</i>
		режа бўйича	амалда		
1	2	3	4	5	6

\_\_\_\_\_ Пахтани қайта ишлаш ташкилоти директори

\_\_\_\_\_ (имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

\_\_\_\_\_ тумани қишлоқ ва сув хўжалиги бўлими бошлиғи

\_\_\_\_\_ (имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

\_\_\_\_\_ тумани Фермерлар кенгаши раиси

\_\_\_\_\_ (имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

«ТАСДИҚЛАЙМАН»

\_\_\_\_\_ вилояти ҳоқими

(имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

Давлат эҳтиёжлари учун пахта хом ашёсини етказиб бериш бўйича шартнома мажбуриятларини бажарган фермер хўжаликларига контракция шартномасидан ортиқча топширилган пахта хом ашёсини қайта ишлашдан олинган пахта шроти (қунжара) ва пахта чигити шелухасини сотиш тартиби тўғрисидаги низомга  
3-ИЛОВА

\_\_\_\_\_ вилояти (Қорақалпоғистон Республикаси) бўйича давлат эҳтиёжлари учун контракция шартномасидан ортиқча пахта хом ашёси етказиб берган фермер хўжаликлари

**РЕЕСТРИ**

тонна

Т/р	Туман ва фермер хўжаликлари номи	Пахта хом ашёсини етказиб бериш		Контракция шартномасидан ортиқча етказиб берилган пахта хом ашёси ҳажми (4-устун – 3-устун)	Шартномадан ортиқча етказиб берилган пахта хом ашёсидан олинган техник чигит ҳажмлари (5-устун x 50/100)
		режа бўйича	амалда		
1	2	3	4	5	6
	_____ тумани				
1.	_____ ф/х				
2.					
	<b>Туман бўйича жами</b>	<b>x</b>	<b>X</b>		
	_____ тумани				
1.	_____ ф/х				
2.					
	<b>Туман бўйича жами</b>	<b>x</b>	<b>x</b>		
	<b>Вилоят бўйича жами</b>	<b>x</b>	<b>x</b>		

«Пахтасаноат» ҳудудий бирлашмаси раҳбари

(имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

\_\_\_\_\_ вилояти қишлоқ ва сув хўжалиги бошқармаси бошлиғи  
(Қорақалпоғистон Республикаси Қишлоқ ва сув хўжалиги вазири)

(имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

\_\_\_\_\_ вилояти Фермерлар кенгаши раиси

(имзо, муҳр) \_\_\_\_\_ (Ф.И.О.)

20\_\_ й. «\_\_» \_\_\_\_\_

**«ТАСДИҚЛАЙМАН»**  
Озиқ-овқат саноати корхоналари  
уюшмаси раиси

\_\_\_\_\_ (имзо, муҳр) \_\_\_\_\_ (Ф.И.О.)

20 \_\_\_\_ й. « \_\_\_\_ » \_\_\_\_\_

Давлат эҳтиёжлари учун пахта хом ашёсини етказиб бериш бўйича шартнома мажбуриятларини бажарган фермер хўжаликларига контракция шартномасидан ортиқча топширилган пахта хом ашёсини қайта ишлашдан олинган пахта шроти (кунжара) ва пахта чигити шелухасини сотиш тартиби тўғрисидаги низомга  
4-ИЛОВА

\_\_\_\_\_ вилояти (Қорақалпоғистон Республикаси) фермер хўжаликларига сотиш учун мўлжалланган  
пахта шроти (кунжара) ва пахта чигити шелухаси  
**ҲАЖМЛАРИ**

Т/р	Туман ва фермер хўжаликлари номи	Пахта шроти (кунжара) ҳажмлари, тн. (2-илованинг 6-устуни х 44,8/100)	Пахта чигити шелухаси ҳажмлари, тн. (2-илованинг 6-устуни х 31,7/100)	Бириктирилган ёғ-мой ташкилотларининг номи
1	2	3	4	5
	тумани			
1.	ф/х			
2.				
	<b>Туман бўйича жами</b>			
	тумани			
1.	ф/х			
2.				
	<b>Туман бўйича жами</b>			
	<b>Вилоят бўйича жами</b>			